

摘藻堂四庫全書薈要

史部

欽定四庫全書薈要

史部

御批歷代通鑑輯覽卷七十二



欽定四庫全書薈要卷七千五百二十五

御批歷代通鑑輯覽卷七十二

宋

起太祖建隆元年庚申至帝昀祥興二年
已卯凡十八帝十三世共三百二十年



皇帝

姓趙氏名匡胤涿郡人父弘殷

周檢校司徒岳州防禦使弘殷曾祖

肱唐幽都令肱生珽唐御史中丞珽生敬涿州刺史敬生弘殷

母杜氏後唐天成二

年帝生於洛陽夾馬營

赤光繞室異香經宿不散人謂之香孩兒營夾馬營在

洛陽縣東北

既長容貌雄偉器度豁如識者知非常人仕

周從世宗征伐屢立大功

事具前

人望歸之及世宗殂

恭帝立陳橋兵變

事具前

遂踐周位而有天下

定國運以火德

王色尚赤

臘用戌

乙亥開寶八年

是歲江南亡唯北漢至太宗太平興國四年乃亡續綱目依朱子綱目唐高祖武德

七年例於宋用大書紀年今依之

春二月曹彬大敗江南兵于秦淮

注見

前進圍金陵

彬連破江南兵于白鷺洲

在江寧縣西南江中

新林港

即新林浦注見

前遣田欽祚

潁州汝陰人

攻溧水

隋縣今屬江寧府

江南統軍使

李雄

淮人一
作張雄

謂諸子曰吾必死于國難爾曹勉之父

子八人皆没于陳欽祚遂克溧水彬大軍進次秦淮

江南兵水陸十萬陳于城下時舟楫未具潘美率兵

先赴遂涉水大軍隨之江南兵大敗馬軍都虞候李

漢瓊

洛陽人

率所部取巨艦寔以葭葦因風縱火拔其

城南水寨又拔關城守陴者爭遁溺死千計

初陳橋
張洎為

江南主謀請所在堅壁以老宋師江南主弗憂也日
于後苑引僧及道士誦經講易高談不恤政事軍書
告急非徐元橘等莫得通宋師駐城下累月江南主
猶不知時兵事皆屬神衛統軍都指揮使皇甫繼勲

南唐後主荒於
政事艷西流傳
視玉樹後庭相
去無幾宋師臨
城下猶然不知

戒嚴方且誦經
講易高談自若
與梁元帝之園
城中講老子千
載一轍宴安禍
毒實乃自亡其
國豈得遽誨為
氣數哉

繼勲素貴驕初無效死意但欲其主速降而口不敢
發每與衆言輒云北軍強勲誰能敵之聞兵敗則喜
曰吾固知其不勝也偏裨有慕死士欲夜出邀宋師
者繼勲必杖其背拘囚之一日江南主自出巡城見
宋師列柵旌旗滿野知為左右所蔽始驚
懼收繼勲付獄殺之皇甫繼勲暉之子

三月遼遣使來通好

先是遼涿州刺史耶律琮貽書宋知雄州孫全興請
通好全興以聞帝命答書許之至是遼遣使來結成
復遣人告北漢以通好于宋無妄侵伐北漢主聞命
慟哭謀出兵攻遼宣徽使馬峯固諫乃止

考宋史太祖紀開寶

七年十一月命知雄州孫全興答契丹修好書八年三月契丹遣使克沙骨慎思以書來講和七月遣太常丞呂端使契丹職官分紀所載畧同是通和乃遼之意而遼史景宗紀則書宋遣使請和以涿州刺史耶律昌朮加侍中與宋議和復不書克沙骨慎思之聘宋蓋諱之也至耶律琮遼作耶律昌朮二史所書之名又各不同 呂端字易直餘慶之弟

夏四月吳越王俶取江南常州

俶既受宋命以沈承禮

湖州烏程人

權知軍務而自率兵

五萬攻常州丞相沈虎子

一作沈倫

諫曰江南國之藩蔽

今大王自撤其藩蔽將何以為社稷乎不聽進兵拔

其闕城又敗其軍于北界遣兵攻江陰

梁縣今屬常州府

宜

興

注見前

皆下之遂拔常州江南主貽倂書曰今日無

我明日豈有君一旦明天子易地酬勲王亦大梁一
布衣耳倂不答以書進帝優詔褒之

彗星見東方

秋七月辛未朔日食

遣使如遼

冬十月江南主使徐鉉來乞緩師不許

五季國鎮劉據
域內幾如瓜剖
豆分宋太祖有
混一海宇之志
南唐不能如吳
越納土以保其
宗祀而又庸暗
寡識不早為備
其敗亡國有以
自取宋祖不容

江南都虞候劉澄以潤州降江南主危迫遣學士承
旨徐鉉求緩師鉉至言于帝曰李煜無罪陛下出兵
無名煜以小事大如子事父未有過失柰何見伐帝
曰爾謂父子為兩家可乎鉉不能對而還踰月江南
主復遣鉉乞緩師以全一邦之命鉉見帝論辨不已
帝按劍怒曰不須多言江南亦有何罪但天下一家
卧榻之側豈容他人鼾睡耶鉉皇恐辭歸

曹彬將王明

字如晦大
名成安人

大破江南兵于皖口

注見前

獲其

劉睦之語其語
連大度竟有與
漢高並駕齊驅
之概

都虞候朱令贇

舒成人延壽之孫

先是江南主遣使召令贇以上江兵入援令贇衆號

十五萬自湖口

南唐縣今屬九江府鄱陽湖由此入江故名

順流而下將

焚采石浮梁彬聞之遣戰權都部署王明密令人樹

長木于洲渚間若帆檣之狀令贇望見疑有伏逗撓

不敢進明因移檣諸將犄角襲之及是令贇乘大航

建大將旗鼓至皖口明合步軍將劉遇

滄州清池人

急攻

之令贇勢促因縱火拒戰會北風甚火反及之衆大

潰遂擒令贊金陵獨恃此援由是孤城愈危感矣

十一月曹彬克金陵江南主煜降門下侍郎陳喬死之
彬遣人謂江南主曰事勢如此所惜者一城生聚耳
若能歸命策之上也某日城必破宜早為之所江南
主不聽一日彬忽稱疾不視事諸將皆來問疾彬曰
余之疾非藥石所能愈惟須諸君誠心自誓以克城
之日不妄殺一人則自愈矣諸將許諾共焚香為誓
明日彬即稱愈又明日城陷初陳喬張洎約同死社

稷然泊實無死志至是喬徑入白江南主曰今日國
亡願加顯戮以謝國人江南主曰此乃歷數卿死無
益也喬曰縱不殺臣臣何面目以見士人乎遂自經

死

勤政殿學士鍾蒨朝服坐於家兵及門亦舉族死之

鍾蒨字德林豫章人

江南主率

臣僚詣軍門請罪彬慰安之待以賓禮請煜入宮治
裝彬以數騎待宮門外左右密謂彬曰煜入或不測
奈何彬笑曰煜素悞無斷既已降必不能自引決煜
治裝畢遂與其宰相湯悅等四十五人赴汴京彬自

出師至凱旋士衆畏服無敢輕肆克城之日兵不血刃凡得州十九軍三縣一百八十捷至羣臣稱賀帝泣曰宇縣分割民受其禍攻城之際必有橫罹鋒刃者實可哀也命出米十萬賑卹之

丙子

九年

十二月太宗皇帝太平興國元年

春正月曹彬振旅還詔賜李

煜違命侯

彬俘江南主李煜還汴帝御明德門以煜嘗奉正朔命勿宣露布止令煜君臣白衣紗帽至樓下待罪詔

並釋之賜冠帶器幣鞍馬有差授煜檢校太傅右千
牛衛上將軍封違命侯子姓從官皆錄用之因赦天
下帝責張洎曰汝教煜不降使至今日因出洎所草
召上江援兵蠟丸書示之洎謝曰書實臣所為犬
吠非其主此其一耳他尚多今得死
臣之分也帝奇之以為太子中允

二月以曹彬為樞密使

初彬之代江南也嘗謂曰俟克李煜當以卿為使相
潘美預以為賀彬曰不然夫是行也伏天威遵廟謨
乃能成事吾何功哉況使相極品乎美曰何謂也彬

張洎教李煜不降義本近正既乃覲願受職而不辭則其當宋祖面責時抗詞以得死為幸者正借以僥倖免死耳洎後諂附中涓揣摩干進真是檢巧之流宋祖爾時蓋為其所愚而不覺

曰太原未平耳及還帝謂曰本授卿使相然劉繼元未下姑少待之羨視彬微笑帝詰之羨以實對帝亦大笑乃賜彬錢五十萬彬退曰人生何必使相好官不過多得錢耳未幾乃拜樞密使

吳越王俶來朝

帝謂吳越使者曰元帥克毘陵

今常州府治漢為毘陵縣

有大功

竢平江南可暫來與朕一相見以慰延想即當復還朕三執玉帛以見上帝豈食言乎至是俶與妻孫氏

子惟濬

字禹川

入朝帝賜禮賢宅以居親幸宴之賞賚

甚厚賜倣劍履上殿書詔不名命與晉王敘昆弟之禮倣固辭乃止留兩月遣還賜以一黃袱封識甚固戒倣曰途中宜密觀及啟之則皆羣臣乞留倣章疏也倣益感懼

三月帝如西京夏四月郊大赦

帝以江表底定方內大同欲西幸以行郊禮三月如

西京次鞏縣遂拜安陵

宣祖陵

賜河南今年田租之半

奉陵戶復一年至洛陽四月祭天地于南郊都民垂
白者相謂曰我輩少經離亂不圖今日復觀太平天
子儀衛有泣下者祭畢大赦宴賜親王羣臣有差

還宮

帝欲留都洛陽羣臣咸諫弗聽晉王光義言其非便
帝曰遷河南未已終當居長安耳光義問其故帝曰
吾欲西遷據山河之勝以去冗兵循周漢故事以安
天下也光義曰在德不在險力請還汴帝不得已從

之因嘆曰不出百年天下民力殫矣

曹翰屠江州殺江南守將胡則

江南州郡皆降獨江州指揮使胡則殺刺史謝彥賓
集衆固守曹翰圍之四月餘則力屈被執翰殺之因
縱其兵悉取資財而屠其民

秋八月遣侍衛都指揮使党進率兵伐漢九月敗漢兵
于太原遼救之

帝命党進潘美楊光美

并州人後避太
宗舊諱更名美

牛思進

邠州
無極

人米文義率兵分五道以攻太原又遣郭進

深州博野人

等分攻忻代汾沁遼石等州所向克捷進敗北漢兵于太原城北漢主急求救于遼遼主遣其相耶律沙

字安隱其先嘗相遼輦氏救之

帝幸晉王光義第

帝友愛光義數幸其第恩禮甚厚光義嘗有疾帝為灼艾光義覺痛帝亦取艾自炙每對近臣言光義龍

行虎步他日必為太平天子福德非吾所及也

弟有疾而臨問或視其療治友愛如是而已灼艾自有專科非他人所能越俎親為燃灼豈遽

能蠲病及覺痛而引以自氣更無補於病者之苦此與唐開元之煮藥煇幾同一不近情理而宋祖則尤有甚焉者矣

即用愛民人君治早要道無過於是至云為天卜守財何其見之小哉此與俗所謂看財奴何

冬十月帝崩晉王光義即位

是為太宗

癸丑夕帝崩于萬歲殿帝孝友節儉質任自然不事

矯飾一日罷朝坐便殿不樂者久之左右請其故曰

爾謂為天子容易耶早作乘快誤決一事故不樂耳

宮中葦簾緣用青布常服之衣澣濯至再永康公主

帝之嘗衣貼繡鋪翠襦帝曰汝服此衆必相倣禁之

一日勸帝以黃金飾肩輿帝曰我以四海之富宮殿

飾以金銀力亦可辦但念我為天下守財耳豈可妄

以異乎無識者
以爲格言然
一典三護中又
互聞有此等語
可耶

幻影齊聲千載
以爲疑案其實
無可疑也長編
作於孝宗之世

用尤注意刑辟嘗讀二典嘆曰堯舜之罪四凶止從

投竄何近代法網之密耶故定爲折杖法以遞減流

徒杖笞之刑自開寶以來犯大辟非情理深害者多

得貸死惟賊吏棄市則未嘗貸及是崩晉王在南府

宦者王繼恩中夜馳詣府邸召王入

薛應旗通鑑家
后見晉王遽呼

曰吾母子之命俱托于王王泣曰共保富貴
無憂也者宋史宋后傳不載此語今不取

甲寅王

遂即位號宋后曰開寶皇后明年遷之西宮

李燾長編云壬

子帝不豫夜語晉王屬以復事左右皆不得聞但遙
見燭影下晉王時或離席若有所避避之狀既而上

孝宗為太祖後
故李燕敢肆其
毀跡之辭污蟻
太宗而以實錄
不記顧命為証
獨不思至道三
年太宗亦未嘗
有顧命是豈又
有他故耶且宋
史作於元時元
子宋非有所諱
右長編果有可
信當必採之而
全史竟不一及
則其說之誣妄
又不待言而可

引柱斧戰地大聲謂晉王曰好為之已而帝崩考長
編所載出吳僧文瑩湘山野錄山僧野史說本無稽
且燕書作于孝宗之世去開寶時幾二百年傳聞暖
昧豈足為據乃竟採而錄之于是元陳垣通鑑續編
胡一桂史纂通要皆依其說明邱濬程敏政深辨其
非高輅等修續綱目削而不書別于園外畧摘數語
以示傳疑李東陽等通鑑纂要因之今據宋史官者
王繼思傳太祖崩夕太宗在南府繼思中夜馳詣府
即請太宗入是太祖崩後太宗方入何來燭影斧聲
之事長編又以太祖崩于壬子夜而宋史太祖紀大
書癸丑夕帝崩今一依正史為據餘說皆不取再考
宋后傳后遣西宮在太平興國二年續綱目諸書皆
係之晉王即位之下今亦依正史因
史無日月仍係于此而以明年別之

以弟廷美

即光

為開封尹封齊王兄子德昭封武功郡

王德芳

太祖第四子

為興元尹

尋詔太祖廷羨子女並稱皇子皇女以示一體

以盧多遜同平章事楚昭輔為樞密使

內外官俱各進秩有差

十一月進封劉銀衛國公李煜隴西郡公

十二月大赦改元

改是歲為太平興國元年

詔羣臣論列者即時引對

初詔諸道轉運使糾察官吏

能否第為三等歲終以聞

罷河東兵

太宗皇帝

丁丑太平興國二年續綱目蔡明非元年而書號正其始也春正月賜禮部

進士呂蒙正

字聖功河南人

等及第

初太祖幸洛陽張齊賢

曹州冤句人

以布衣獻策條陳十

事

一下并汾二富民三封建四敦孝弟五舉賢六太學七籍田八選良吏九懲奸十恤刑

內四

說稱旨齊賢堅執其餘策皆善太祖怒令武士拽出之及還語帝曰我幸西都惟得一張齊賢我不欲爵之以官異時可使輔汝為相也至是齊賢亦在選中有司失於掄擇寘之下第帝不悅故一榜自呂蒙正

以下

一百九人又覆試諸科二百人

盡賜及第

又聞貢籍十舉至十五舉一百八十四人

並賜出身擢邢昺九經及第九經七人不中格憐其老特賜同三傳出身凡五百餘人皆賜綠袍鞋笏錫宴開寶寺帝自為詩一章賜之謂侍臣曰朕欲博求俊彥于科場中非敢望拔十得五止得一二亦可為

致治之具矣邢

昺字叔明濟陰人

置江南榷茶場

二月帝更名炅

夏四月葬永昌陵

在河南府
鞏縣西南

史臣曰太祖得國視晉漢周亦豈甚相絕哉及其發號施令名藩大將俯首聽命四方列國次第削平建隆以來釋藩鎮兵權絕職吏重法務農興學慎罰薄欲與世休息迄于至平治定功成制禮作樂傳之子孫世有典則規模可謂遠矣

冬十月初榷酒酤

十一月丁亥朔日食既

戊寅 三年春二月立崇文院

初置三館

宋史職官志史館
文館集賢院為三館

于長慶門北謂之西

館帝臨幸惡其陋命有司于昇龍門東北初立三館

至是成賜名崇文院遷西館書貯焉凡八萬卷

夏四月陳洪進獻漳泉二州以洪進為武寧節度使

洪進來朝因獻漳泉二州縣十四詔授洪進武寧節

度使同平章事留之汴京奉朝請諸子皆授要郡遣

之官

五月吳越王俶以其地來歸詔封俶為淮海國王

俶朝于汴會陳洪進納土而懼上表乞罷所封吳越

國王及解天下兵馬大元帥並書詔不名之命歸其

兵甲求還帝不許其臣崔仁冀

字子遷錢塘人

曰朝廷意可

知矣大王不速納土禍且致俶遂決策上表獻其境

內十三州一軍八十六縣詔封俶為淮海國王授俶

弟儀信並觀察使俶子惟濬惟治

字世和

並節度使惟

演

字希聖

惟灝及族屬僚佐授官有差又授其將校孫

承祐

錢塘人

沈承禮崔仁冀並為節度使賜賚待遇冠

絕當時

尋令兩浙發俸思麻以上親及管內官吏悉至汴京凡千四十四艘

以范旻

貫字

參贊長子

權知兩浙諸州軍士旻上言俟在國日徭賦繁

苛乞盡蠲其弊從之

定難節度使李克勣卒子繼筠嗣

秋七月隴西公李煜卒

初曹彬令煜治裝煜方以亡國為念不及多取留汴
貧不自給帝命增給月俸仍賜錢三百餘萬至是卒

追封吳王

帝命煜故臣徐鉉撰神道碑鉉泣請曰陛下容臣存故主之意乃敢奉詔帝許之鉉

徐鉉不能盡忠於亡國之時乃欲守節於故主之沒後以虛言為報亦復何益無知者或以為可矜有識者更鄙其無賴耳

以孔宜

字不疑孔子四十四世孫

襲封文宣公

稱善 考薛應旗通鑑煜誕辰帝遣使賜宴宴畢暴卒蓋本龍哀江南野史今不取之畧不成近功偃王躬仁義之行終于亡國帝覽之

宜知星子縣

南唐鎮宋升為縣今為江西南康府治

回獻所為大帝召

問孔子世嗣遂命襲封宜因言歷代以聖人之後不

預庸調周顯德中遣使均田遂抑為編戶詔特復其

家

冬十月置內藏庫

帝幸左藏庫語薛居正曰此金帛如山用何能盡先
帝每焦心勞慮以經費為念何其過也詔改為內藏
庫并以封樁庫屬焉

已卯四年春正月以潘美為北路都招討使

帝議伐漢薛居正等多以為不可惟曹彬力贊之帝
意遂決乃以潘美為北路都招討使帥崔彥進李漢

瓊劉遇曹翰米信

本溪族

田重進

幽州人

軍分四面攻太

原城又以判邢州郭進為太原石嶺關

注見前

都部署

以斷燕薊援師遼遣塔馬

遼扈從官

長壽來言曰何名而

伐漢也帝曰河東逆命所當問罪若北朝不援和約

如故不然惟有戰耳

初以石熙載

字凝績洛陽人

僉書樞密院事

僉書之名始此

新渾儀成

司天監生張司訓

巴中人

本唐李淳風梁令瓚之法創

式以獻製于禁中日月行度成于自然不假人運比
舊制尤為精妙命置文明殿東南鼓樓擢思訓為渾
儀丞

二月帝自將伐漢

帝欲以齊王廷美掌留務開封判官呂端言于廷美
曰上櫛風沐雨以申弔伐王地處親賢當表率扈從
若掌留務非所宜也廷美遂請行帝許之以沈倫為
東京留守王仁贍為大內都部署

三月遼救漢都部署郭進邀擊于白馬嶺

即白馬山在忻州西南

大敗之

漢求救于遼遼遣耶律沙為都統冀王迪里

字巴達董太宗之子

也為監軍師師赴之至白馬嶺與郭進遇沙欲阻澗

以待後軍迪里不從度澗迎戰未成列進薄之迪里

敗死會耶律色珍

字韓隱子越昌魯孫

兵至進引師退沙得免

田欽祚護石嶺屯軍恣為姦利進不能禁屢形于言
欽祚憾之進武人剛烈戰功高欽祚數加陵侮進不
能堪遂縊而死欽祚以卒中風眩聞帝悼惜良久贈
安國節度使左右皆知而無敢言者尋詔以牛恩進

代之

夏四月行營都監折御卿

子德辰

取漢可嵐軍

今太原府奇嵐州宋

曰奇嵐軍太平五年置此書取奇嵐軍乃史臣追叙之文

御卿分兵攻奇嵐軍下之遂取嵐州

注見前

漢城隆州

注見前

威勝軍

宋置今沁州是

使解暉

洛州臨洛人

等攻破

之

漢人于隆州依險築城以拒帝遣解暉折彥贊等先

發兵圍之繼遣尹勲

開封人

往城遂陷

帝至太原督諸軍圍城五月漢主繼元降詔賜爵彭城郡公

潘美等屢敗漢兵進築長連城圍太原漢外援不至餉道又絕城中大懼帝至督戰益急城無完堞帝慮城陷殺傷者衆詔諭繼元降使者至城守陴者不納帝親督諸將士進薄城下列陣于前蹲甲交射矢集城上如蝟毛五月漢指揮使郭萬超踰城出降繼元親信之臣多亡城中危急帝復詔諭繼元速降當保

終始富貴詔雖入城而諸將銳攻不可遏帝尤慮城
陷害良民麾兵少却繼元乃夜遣客省使李勲奉表
乞降詔許之因至城北張樂宴從臣于城臺明日繼
元率官屬縞衣紗帽待罪臺下帝釋之賜襲衣玉帶
召使升臺繼元叩首謝罪詔授持進檢校太師右衛
上將軍封彭城郡公賜賚甚厚命祠部郎中劉保勛

字修業
河南人

知太原府凡得軍十州一縣四十一帝作平

晉詩命從臣和又授漢相李暉

字孟深陽武人續綱
目宋元通鑑俱誤作

仁者之師救民水火害民是誠何心况攻圍未下時尚慮城陷而殺傷者衆因以宣諭招降此趨門不及者獨非襄所不忍害之良民乎

李揮今依以下官有差
劉繼文奔遼封為彰城郡王久之卒

徙太原民於並州

詔毀太原舊城改為平晉縣以榆次縣
漢置今屬太原府為

并州遣使分部徙太原民居之縱火焚太原廬舍老

幼趨城門不及焚死者甚衆

帝發太原六月遂伐遼圍幽州秋七月與遼耶律休格

字遜寧南院夷
高梁紹思之子大戰于高梁河
在順天府宛平縣西水經注高梁大水出薊城

西北即此今為玉泉
山水所經上有橋
敗績乃還

帝既滅漢欲乘勝取燕薊諸將以師罷餉匱不欲行

崔翰

字仲文京兆萬年人

獨曰所當乘者勢也不可失者時也

取之易帝意決遂發太原六月次東易州

宋史太宗紀丙寅次

金臺頓丁郊次東易州金臺頓今清苑縣金臺驛也東易州當在定興安肅界遼史不載無考

遼刺

史劉宇以城降留千兵守之涿州判官劉原德亦以

城降進次幽州城南遼將耶律希達

孟父楚國王之後

軍于

城北帝攻走之命宋渥崔彥進劉遇孟元詰

祖之分

兵四面攻城圍之三周以潘美知幽州行府事遼將

多降七月遼順州薊州皆降耶律學古

字乙辛隱于越佳之庶孫

時守燕悉力禦之不能支城中大懼遼遣耶律休格
救燕時帝與遼將耶律沙大戰于高梁河沙敗將遁
休格兵適至與耶律色珍分左右翼以進復戰帝大
敗死者萬餘人帝引師南還休格追至涿州帝急乘
驢車走免喪資械不可勝計乃命孟元喆屯定州崔
彥進屯關南劉廷翰

開封後儀人

李漢瓊屯真定而還以

石守信劉遇從征失律貶之自是遼好遂絕

定難留後李繼筠卒弟繼捧嗣

八月皇子武功王德昭自殺

軍中謀立德昭並無形迹可指或護人搆繫揣測猜嫌而為之亦未可定太宗遷責以待汝自為則德昭難欲不死而不能可知太宗傳子私念不待趙普贊成而早定於胞中矣抱哭退封

初德昭從帝征幽州軍中嘗夜驚不知帝所在有謀立德昭者帝聞不悅及還以征北不利久不行太原之賞德昭以為言帝大怒曰待汝自為之賞未晚也德昭退而自刎帝聞之驚悔往抱其尸哭曰癡兒何至此耶追封魏王

諡曰懿

九月遼侵鎮州都鈐轄劉廷翰等合擊大破之

固無解於渝盟
之過所謂欲蓋
彌彰耳

遼遣南京留守韓匡嗣

延徽之子

與耶律沙耶律休格侵

鎮州報圍燕之役軍于滿城

本後周永樂縣隋西
滿城今屬保定府

西

方陳官軍詐降匡嗣欲納之休格曰彼氣甚銳疑誘

我也可整衆待之匡嗣不聽俄而劉廷翰陳于前崔

彥進潛師躡其後李漢瓊崔翰趙廷進

涇州人

兵繼

至合擊之遼軍大潰追至遂城

注見前

斬獲萬計匡嗣

棄旗鼓遁去獨休格整兵而退

以楊業為代州刺史

業即漢建寧節度使劉繼業帝克太原聞其勇召見
復姓楊氏止名業以其老于邊事拜代州刺史業善
戰號楊無敵

冬十月進封齊王廷美為秦王

論平漢功也文武諸臣進秩有差

庚辰五年春二月定差役法

太祖因前代之制以衙前主官物以里正戶長鄉書
手課督賦稅以耆長工手壯丁逐捕盜賊以承符人

力手力散從官給使令

自衙前至手力等皆第戶高下以充所謂職役也續綱目

以人力之人係承符去手力之力為力手殊誤今依宋史食貨志及文獻通考改

至是從京

西轉運使程能請定諸州戶為九等上四等充役下五等免之後有貧富隨時升降

三月魏公劉鋹卒

鋹有口辯帝之將伐北漢也宴近臣于禁中鋹進言曰朝廷威靈及遠四方僭偽之主今日盡在坐中旦夕平太原劉繼元又至臣率先來朝願得執挺為諸

國降王長帝大笑至是卒追封南越王

楊業敗遼兵于鴈門殺其將蕭卓琳

遼兵十萬抵鴈門業領麾下兵百騎自西陁

關名在代州西

北即鴈門關西口

出至鴈門北口南向擊之遼兵大敗殺其

節度使駙馬侍中蕭卓琳自是遼畏業每望見旌旗
即引去主將多嫉之或潛上謗書帝皆不問封其書
付業

交州亂秋七月命蘭州團練使孫全興等將兵討之

交州丁部領及其子璉相繼死璉弟璿權行軍府事

年尚幼大將黎桓幽璿別館而代領其衆時知邕州

侯仁寶

益之子

趙普女弟之夫也盧多遜與普有隙出

仁寶於邕九年不代仁寶恐因循死嶺外乃上言陳

取交州之策帝喜將驛召仁寶多遜遽奏曰交州內

擾此實天亡之秋但先召仁寶其謀必泄蠻寇預為

之備未易取也不如密令仁寶經度其事發兵長驅

勢必萬全帝以為然以仁寶為交州水陸轉運使孫

全興劉澄賈湜等並為部署將兵討之全興等由邕
州澄湜等由廉州進桓聞乃遣使為璿上表求襲位
帝不許

冬十月遼侵瓦橋關十一月帝自將禦之次於大名遼
軍退乃還

遼主賢圍瓦橋關耶律休格帥精騎渡水而戰官軍
大敗休格追至莫州十一月帝自將禦之時關南諸
將已破遼兵帝次大名諸將復戰于莫州敗績會遼

主引去帝欲遂取幽州李昉力陳其未可乃詔曹翰

部署諸將而還

帝既還京議者皆言宜速取幽薊張齊賢上疏曰聖人舉事動在萬全百

戰百勝不若一戰而勝自古疆場之難非盡由外侮亦多邊吏擾而致之若緣邊諸將撫御得人但使峻壘深溝蓄力養銳以逸自處則邊鄙寧而河北之民獲休息矣臣又聞家六合者以天下為心豈止爭尺寸之土角勝負之勢而已是故聖人先本而後末安內以養外民既安利則達人歛衽而至矣

十二月遼以耶律休格為裕悅

遼責官象公師坐而論議

休格智畧宏遠料敵如神每戰勝讓功諸將故士卒

樂為之用

辛巳 六年春三月皇子興元尹德芳卒

贈中書令岐王

謚康惠

罷交州兵

交州行營破賊于白藤江口

在今安南國海東府界江之入海處亦曰白藤

海口獲戰艦二百于是知邕州侯仁寶率軍先進孫全

興等頓兵不行仁寶戰死會炎暑軍士多死轉運使

許仲宣

字希象青州人

以聞詔班師斬劉澄賈湜于軍徵全

興下獄

已而棄市考宋史孫全興于是年三月徵下獄十一月棄市續綱目于三月即書徵孫

全興棄市非是
今依宋史改

夏六月薛居正卒

居正輔相十八年寬簡不苛察衆論賢之及卒帝親

臨其喪為之流涕

居正子惟吉素無行帝存問其家因曰不肖子安在頗改節否不克

負荷先業奈何惟吉伏喪側懼報不敢起自是盡革故態讀書親賢士修飾為善其後帝數委以大藩所

至稱

治

秋七月遣使如渤海

初遼取渤海扶餘城為都木達府

事具前

至是帝將大

舉伐遼遣使賜其王詔書令發兵以應約滅遼日幽
薊土宇復歸中朝朔漠之外悉與渤海然渤海無至
者帝又以詔賜定安國王定安本馬韓之族其王烏
元明數苦遼侵侮得詔令張犄角之勢王大喜會
女真遣使入貢持表來上帝優詔
答之付女真使者令賁以賜焉

九月乙未朔日食

左拾遺田錫

字表聖嘉州洪雅人

上疏言事詔嘉獎之

錫好言時務既居諫官即上疏獻軍國要機者一朝

廷大體者四

其略曰王師平太原軍功猶有未賁願
因郊禮錫奏駕馭戎臣此要機也交州

瘴海得之如獲石田願罷屯兵此大體之一今諫官不聞廷爭給事中不聞封駁左右史不聞升陞記言動御史不敢彈奏中書舍人未嘗訪以政事集賢院雖有書籍而無職官秘書省雖有職官而無圖籍願擇才任之使各司其局此大體之二通者寓縣平寧京師富庶軍營馬監靡不恢崇佛寺道宮皆為輪奐尚書無廳事九寺三監寓天街之兩廊貢院就武成王廟是豈太平之制度願別修省寺用列職官此大體之三按獄官令枷杻鉗鎖皆有定式今以鐵為枷于法所無去之可也此大體之四

帝覽疏

優詔褒答賜錢五十萬

續綱目盧多遜專政羣臣章奏必先白多遜然後敢通又

必于閤門署狀云不敢妄陳利便希望恩榮錫遣者多遜乞免署狀多遜不悅出錫為河北南路轉運副使錫因入辭直進封事宋元通鑑同考宋史太宗紀及錫本傳錫上事在為拾遺時非轉運使入辭所奏

其貽書宰相乃趙普非多遜也今依帝紀書綱採傳作目

以趙普為司徒兼侍中

普奉朝請累年盧多遜益毀之謂普初無立上意普

爵爵不得志會晉邸舊僚柴禹錫

字元圭大名人

趙鎔

字化鈞涪

州樂陵人

楊守一

字象先其先洛陽人後徙家鄭間

告秦王廷美驕恣將

有陰謀竊發帝疑以問普普因言願備樞軸以察奸

變且自陳曰臣忝舊臣為權倖所沮遂備道預聞昭

憲太后顧命及前朝上表自訴等事帝發金匱得誓

書及覽普前表因召見謂曰人誰無過朕不待五十
已知四十九年非矣乃拜普司徒兼侍中封梁國公
初田錫既以上疏授賜或勸少晦以遠寵忌錫曰事
君之誠惟恐不竭刳天植其性豈為一賞奪耶及趙
普復相令有司受羣臣章奏必先白普錫適普書以
為失至公體普引咎謝已而錫出為河北轉運副使

置京朝官

宋史職官志凡一品以下常參者謂之京官

差遣

院

舊制京朝官屬吏部國初以來皆出中書至是詔京
朝官奉使從政于外受代而歸者並令中書舍人考

校勞績品量才器以中書所下闕員引對而授之謂之差遣院

壬午七年春三月癸巳朔日食

罷秦王廷美為西京留守夏四月以柴禹錫為樞密副使

或又告廷美欲因帝幸西池為亂遂罷廷美開封尹以上變進禹錫樞密副使楊守一樞密都承旨趙鎔東上閤門使初昭憲太后遺命以次傳位前事具故帝

即位之初命廷美尹開封而德昭德芳等皆稱皇子及德昭不得其死德芳相繼夭沒廷美始不自安他日帝以傳國意訪之趙普普對曰太祖已誤陛下豈容再誤廷美遂得罪

以竇偁

字日章儀之弟郭贄

字仲儀開封襄邑人

參知政事

初帝尹開封偁為判官以推官賈琰佞諛于坐叱之日賈氏子巧言令色豈不愧于心哉衆皆失色帝因重偁之直至是謂偁曰賞卿之叱賈琰也

勒秦王廷美就第流盧多遜于崖州沈倫罷

趙普既復相多遜不自安普屢諷令引退而多遜貪

固權位不能決會普廉得多遜交通秦王事帝大怒

責授兵部尚書越二日下御史獄命翰林承旨李昉

等雜治之

多遜具狀屢遣中書守當官趙白以機事密告廷美且云願官車案駕盡力事大王

廷美亦遣小吏樊德明告多遜云承旨言正會我意因遣之弓箭多遜受之

獄上詔文武

集議王溥等奏廷美多遜詛咒顧望大逆不道宜正

刑章詔削奪多遜官爵流崖州

并徙其家屬期親于遠裔趙白樊德明等

悉斬于廷美勒歸私第復其子為皇姪女落皇女公
都門外

主之號沈倫坐與多遜同列不能覺察降授工部尚

書

五月貶秦王廷美為涪陵

隋縣今重慶府涪州是

縣公安置房州

注見前

趙普又以廷美居西京非便諷知開封府李符

字德昌大

名內上言廷美不悔過而怨望乞徙遠郡以防他變

詔降封廷美為涪陵縣公房州安置以閻彥進知房

廷美之得罪皆成於趙普其始因多遜之毀請備樞軸察姦變以自拯不過患失之一念繼乃

構成寃獄坐以大逆止圖報復多遜夙嫌而於廷美毫無顧忌老奸伎倆日甚一日至諷李筠上言必欲置廷美於死而後已則天良漸滅盡矣昔常白負請論語虧夫無所不至之句豈未經見乎

州袁廓

絳州梓潼人

通判州事以伺察之

舊又恐符言泄乃坐符也事貶

寧國

司馬

定難留後李繼捧入朝獻銀夏綏宥四州

注俱見前

六月繼

捧弟繼遷叛走地斤澤

此夏州叛宋之始地斤澤在榆林府懷遠縣故夏州東北

夏州自李思恭

即拓跋思恭具見前

以來未嘗親朝中國至是

繼捧率其族入朝帝嘉之賜賚甚厚繼捧陳其諸父

昆弟多相懟怨乞納其境內銀夏綏宥四州留京居

之帝為遣使如夏州護總麻以上親赴闕以曹光實

字顯忠雅州百丈人

為四州都巡檢使時繼捧族弟定難軍都

知蕃落使繼遷

其高祖思忠思恭之弟也從討黃巢戰歿賜嗣

留居銀州聞

使至乃詐言乳母死出葬於郊遂與其黨數十人奔

入地斤澤出其祖像以示戎人戎人拜泣從者日衆

帝尋以繼捧為彰德節度使問曰汝在夏州何道以制諸部對曰羌人悍驚但羈縻而已非能制也

秋九月遼主賢卒

說具前

子隆緒

小字文殊奴

立復國號曰契

丹

是後遼復稱契丹

遼主賢如雲州至焦山

今在朔平府左雲縣東南

有疾命韓德讓

匡嗣之子

耶律色珍受遺詔立長子梁王隆緒遂卒隆緒

嗣位

謚賢曰孝成皇帝廟號景宗

尊母蕭氏為太后專國事復國

號曰大契丹改元統和后以德讓為政事令兼樞密

使總宿衛兵耶律巴固濟

字蒲奴隱六院夷高董蒲古只之後

總領山

西諸州事耶律休格為南面行軍都統

冬十二月戊午朔日食

癸未

八年春正月罷樞密使曹彬以王顯

字德明開封人

拜德超

氏族畧弭氏望出新豐德超滄洲清池人

為樞密副使

酒坊使弭德超有寵于帝覲代曹彬之位乃自鎮州
乘傳以急變聞曰彬秉政久得士心將為不利且誣
以事為徵帝信之郭贇極言救解不聽遂出彬為天
平節度使而以顯德超並為副使

二月戊子朔日食

三月宴進士于瓊林苑

瓊林宴之名始此

帝親試禮部貢士于講武殿始分三甲賜宴于瓊林
苑寵之以詩遂為定制

夏四月弭德超有罪流瓊州

德超以不得樞密使怨望居常怏怏一日詔王顯榮
禹錫曰我言國家大事有安社稷功止得綏許大官
汝等何人反在吾上我實耻之言頗侵帝顯奏之詔
鞠問德超具狀遂奪官秩禁錮瓊州而死帝始悟曹

彬之誣待之加厚

德超始因李符薦得事上符貶寧國司馬德超屢稱其冤德超貶帝

惡其朋黨令徙符嶺表初慮多遜之貶崖州也符白趙普曰春州雖近至者必死不若令多遜處之普不答至是以處符歲餘

辛 春州注見前

五月河決滑州東南入于淮

此河決入淮之始

河大決滑州之韓村泛澶濮曹濟諸州壞民田廬東

南流至彭城入于淮詔發丁夫十餘萬塞之

時多陰雨河久

未塞帝憂之遣樞密直學士張齊賢乘傳詣白馬津用太牢加璧以祭明年春滑州復言房村河決帝曰韓村隄久不成功又安可重困吾民當以諸軍代之乃發卒五萬以待衛都指揮使田重進領其役又命翰林學士宋白祭于白馬津已而役成帝作河平歌賜近臣蠲水所及州縣田租宋白字太素大名人也

六月大水

江河漢睢穀洛渥澗水溢溺死者以萬計

秋七月郭贄免以李昉參知政事

贄賞因論事奏曰臣遭不次之遇誓以愚直上報帝
曰愚直何益于事贄對曰雖然猶勝奸邪至是以入

對宿醒未解出知荆南府

宋以荊州為江陵府
又改荊南府尋復舊

冬十月以姚坦

字明白曹
州濟陰人

為益王

名元傑本名德和
字明哲帝第五子

府

翊善

宋東宮官太平興
國中置秩從七品

王作假山召僚屬置酒衆皆褒美坦獨俛首王彊使

視之坦曰但見血山安得假山王驚問故坦曰坦在

田舍時見州縣督稅上下相急父子兄弟鞭笞苦楚
血流滿身此假山皆民稅所出非血山而何時帝亦
為假山未成聞之亟毀焉王每有過失坦輒盡言規
正左右教王稱疾帝憂甚召乳母問狀乳母曰王本
無疾徒以姚坦檢束不得自便耳帝怒曰吾選端士
輔王為善今乃欲使我逐正人王年少豈解此也必
是爾輩教之杖乳母于後園召坦慰諭之

趙普罷

普罷為武勝軍

後周置今南陽府鄧州是

節度使帝作詩餞之賜

宴長春殿普奉詩泣曰陛下賜臣詩當刻石與臣朽

骨同莫泉下帝為之動容

翌日帝謂宰相曰普有功國家朕昔與遊今齒髮衰

矣不欲煩以樞務擇善地處之因詩以道意普感激泣下朕亦為之墮淚宋琪對曰昨普至中書執御詩涕泣謂臣曰此生餘年無階上答庶幾來世得効犬馬力臣昨聞普言今復聞宣諭君臣終始可謂兩全

宋琪字儼

寶幽州薊人

十一月以宋琪李昉同平章事李穆呂蒙正李至

字言幾真

定人參知政事

欽定四庫全書

御批歷代通鑑輯覽

卷七十二

三十三

昉初與盧多遜善多遜屢譖昉及多遜敗帝嘗語及
其事昉頗為解釋帝由是重之遂與琪並相帝謂琪
等曰世之治亂在賞當其功罰當其罪即無不治謂
為飾喜怒之具即無不亂卿等慎之又謂蒙正曰古
所謂君臣道合者情無間耳凡士未達見當世之務
戾于理者則怏怏于心及列于位得以獻可替否當
盡其所蘊言或未中亦當僉議而更之俾協于道朕
固不以崇高自恃使人不敢言也

蒙正初入朝堂有
朝士指之曰此子

亦參政耶蒙正佯為不聞而過之同列不能平詰其姓名蒙正遽止之曰若一知其姓名則終身不能忘不若弗知之為愈時人服其量

以呂文仲

字子晦歙州新安人

為翰林侍讀

宋置掌經筵講讀備顧問秩正七品

王

著

字知微京兆渭南人

為侍書

亦翰林官宋置

帝勤于讀書自已至申然後釋卷詔史官修太平御

覽一千卷日進三卷宋琪以勞瘁諫帝曰開卷有益

不為勞也朕欲周歲讀遍是書耳每暇日則問文仲

以經義著以筆法

明年命宋白李昉纂輯文苑英華一千卷

甲申 雍熙元年春正月求遺書

時三館所貯遺帙尚多乃詔募中外有以書求上及三百卷當議甄錄酌獎餘第卷帙之數等級優賜不願送官者借其本寫之由是四方之書間出矣涪陵公廷美以憂卒

廷美至房州憂悸成疾卒追封涪王

諡曰悼

以其子德恭德隆為刺史

李穆卒

穆謹言慎行無有矯飾及是卒帝臨其喪哭謂侍臣
曰穆操履純正真不易得朕方倚用遽爾淪沒非穆
之不幸乃朕之不幸也

贈工部
尚書

夏四月羣臣請封禪許之五月乾元文明殿災六月詔
求直言罷封禪

先是泰山父老詣闕請封禪羣臣三上表帝許之詔
以十一月有事于泰山命翰林學士扈蒙

字日明
幽州人等

詳定儀注五月乾元文明二殿災詔求直言遣使按

察淮浙蜀廣獄遂罷封禪

知睦州田錫上疏畧曰給事中不得其人左右補遺

不舉其職致陛下有朝令夕改舍近謀遠之事又言時久升平天下混一故左取右奉致陛下以功業自多然臨御九年四方雖寧而刑罰未甚措水旱未甚調陛下謂之太平誰敢不謂之太平陛下謂之至理誰敢不謂之至理又言宰相不得用人而委員外差遠近臣不專受責而求令錄封章又言聽用太廣則條制必繁條制既繁則依從者少自今凡有奏陳當令大臣議而行之毋使垂之空言使之寡信又言宰相若賢當信而用之宰相非賢當擇而任之何以置之為具臣而疑之若衆人也

冬十月華山隱士陳搏入朝

帝之即位也召搏入見待之甚厚至是復至帝謂宰相

臣曰搏獨善其身不干勢利方外之士也遣中使送
至中書宋琪等從容問曰先生得元默修養之道可
以教人乎搏曰搏山野之人于時無用亦不知神仙
黃白之事吐納養生之理非有方術可傳假令白日
上升亦何益于世今聖上龍顏秀異有天日之表博
達古今深究治亂真有道仁聖之主也正君臣協心
同德興化致治之秋勤行修煉無出于此琪等以聞
帝益重之賜號希夷先生還華山

知夏州尹憲

并州晉陽人

襲李繼遷破走之

憲與曹光實襲繼遷于地斤澤大破之斬首五百級

焚四百餘帳繼遷與其弟繼冲遁免獲其母妻而還

十二月立妃李氏

處耘女

為皇后

賜京師大酺三日

乙酉二年春二月李繼遷誘殺都巡檢使曹光實遂襲銀

州據之

繼遷自地斤澤敗轉徙無常漸以疆大西人以李氏

世著恩德多歸之于是率衆攻麟州使人約都巡檢
曹光實曰我數奔北勢窘願講甥舅之禮期日會于
葭蘆川在今葭州西源出榆林縣下流入黃河以岸多葭葦故名納降光實信之
且欲擅其功故不與人謀至期繼遷設伏止領數十
人近城迎光實光實從百騎赴之繼遷前道北行至
其地忽舉手揮鞭伏兵盡起光實被害遂襲據銀州
禁增置寺觀

京城外有僧積薪將自焚帝聞之惡其惑衆令配流

惡處仍毀其所居因謂宰相曰近多請建置寺觀屋
才數十間輒求名額大抵誑惑閭閻藏隱姦弊耳詔
天下寺觀非籍所存無得建置

遣知秦州田仁朗

大名元城人

等將兵討李繼遷

夏四月江南饑

遣使賑之

宴羣臣于後苑

先是帝詔宰相近臣賞花于後苑謂之曰春風暄和

萬物茂暢四方無事朕以天下之樂為樂宜令侍從
詞臣賦詩至是召輔臣三司使翰林樞密直學士尚
書省四品兩省五品以上三館學士宴于後苑賞花
釣魚命羣臣賦詩因習射水心殿賞花曲宴自此始
徵田仁朗還五月副將王侁字秘權開封浚儀人擊李繼遷走之
銀麟夏州蕃內附

繼遷既殺曹光實遂圍三族砦

與下悉利諸砦皆羌戎所居今在緄德州

米脂縣界

砦將折裕勒

弼也反

殺監軍使者與繼遷合繼遷

乘勝進攻撫寧砦

本隋縣後廢為砦故城在今絳德州西

時仁朗行及

綏州

注見前

方請益兵俟報聞之喜曰戎人常烏合寇

邊勝則進敗則走不可窮其巢穴今繼遷嘯聚數萬

盡銳以攻孤壘撫寧小而固非浹旬所能破我俟其

困以大兵臨之分遣彊弩三百邀其歸路虜成禽矣

部署已定仁朗欲示閑暇縱酒樗蒲侁等因媒孽之

帝聞三族已陷大怒徵仁朗還下御史獄問狀仁朗

對曰臣已定擒繼遷策會詔至不果因言繼遷得羌

戎情願優詔懷來或以厚利啖部落酋長令圖之不

爾他日大為邊患帝愈怒特貸死竄商州是月仇等

出銀州北破實哩諸砦梟其首折裕勒麟州諸蕃皆

請納馬贖罪助討繼遷仇遂與所部兵入濁輪川

在葭

州神木縣西北下流入黃河考宋史夏國傳繼遷築堡于石州濁輪谷石州今山西永寧州是與葭縣接

壤川水盖出谷中流逕神木以入于河

斬首五千級擒裕勒繼遷遁去

時詔郭守文

并州太原人

與仇同領邊事守文復與知夏

州尹憲擊鹽城

在榆林府定邊縣今曰鹽場堡

諸蕃焚千餘帳由是

銀麟夏三州蕃百二十五族悉內附戶萬六千餘

遷

降于契丹契丹以為定難節度使尋以義成公主妻之

秋九月廢楚王元佐

字惟吉初名德榮帝長子

為庶人

元佐少聰警貌類帝帝鍾愛之廷美遷房州元佐嘗力救及廷美死遂發狂疾至以小過操挺刃傷侍人疾少間帝為赦天下遇重九詔諸王宴射苑中元佐以新瘥不預及諸王宴歸暮過元佐元佐恚曰若等侍上宴我獨不預是棄我也因發忿被酒夜縱火焚

其宮帝大怒廢為庶人均州安置宋琪率百官三上

表請留之京師帝許之行至黃山

一名蘗山在南陽府南陽縣北

召

還居于南宮

遣使如高麗

時議伐契丹以高麗與之接壤數為所侵命御史韓

國華

字光弼相州安陽人

齎詔諭令發兵西會高麗遷延未即

奉詔國華屢移檄督之得報發兵乃還

冬十一月庚子朔日食

宋琪柴禹錫免

初詔廣宮城禹錫有別第在表識內上言願易官邸

帝不悅禹錫又陰結琪為琪請盧多遜舊地帝益鄙

之廣南轉運使王廷範

江陵人琪妻高氏親也

將謀不軌知廣

州徐休復

字廣初濮州既城人

密奏之帝因琪禹錫入對問廷

範何如人琪禹錫未知其端盛言廷範彊明忠幹帝

意其交通不欲暴其狀詔琪諏諧無大臣體罷守刑

部尚書降禹錫為左驍衛大將軍廷範及其黨與皆

伏誅

南康軍

今江西南康府
宋為南康軍

大雨雪江水冰

雪厚三尺江水冰合可勝重載

丙戌三年春正月以曹彬田重進潘美等為都部署將兵

伐契丹

初賀懷浦

開封陳留人太
祖孝惠皇后兄

將兵屯三交

城名在太原
府陽曲縣北

好議邊事與其子知雄州令圖上言契丹主少母后

專政寵倖用事請乘其釁以取燕薊帝信之以曹彬

為幽州道行營都部署崔彥進副之米信為西北道

都部署杜彥圭

定州安喜人

副之出雄州田重進為定州

路都部署出飛狐

此飛狐縣也隋置明改廣昌今縣屬易州

潘美為雲應

朔等州都部署楊業副之出鴈門

李至罷

至上疏諫伐契丹因固請解機務帝許之

三月曹彬取涿州田重進敗契丹兵于飛狐北潘美取

寰朔應雲州

注俱見前

彬遣先鋒將李繼隆

字霸國處耘子

破契丹兵取固安

注見前

新城

唐縣今屬保定府

二縣進攻涿州克之殺其相知卓

敵兵

復集米信獨以麾下三百人接戰被圍數重信持大刀大呼突圍而出會彬遣兵至遂敗契丹兵于新城

東田重進出飛狐南契丹西南面招安使大鵬翼率

衆來拒重進命部將荆嗣

罕儒子

以五百騎禦之契丹

兵二萬餘力不敵時譚延美

大名朝城人

屯小沼

地名在廣昌縣

東嗣請延美列隊平川別遣二百人執白幟于道側

嗣以所部疾驅往鬪契丹兵見旗幟綿亘疑大軍繼

至欲遁去重進乘之契丹兵奔潰生擒大鵬翼飛狐

靈邱

漢縣今屬大同府

皆降潘美自西陲入與契丹兵遇追

至寰州破之刺史趙彥章以城降進圍朔州節度副

使趙希贊亦舉城降遂轉攻應雲州皆克之

己而重進再破

契丹于飛狐北至蔚州其左右都押衙李存章許彥卿執監城使耿紹忠以城降

夏五月曹彬引兵退與契丹耶律休格戰于岐溝

注見前

敗績

初諸將陸辭帝謂曰潘美但先趨雲州卿等以十萬

衆聲言取幽州且持重緩行不得貪利敵聞大兵至
必悉衆救范陽不暇援山後矣及彬等乘勝而前所
至克捷每捷奏聞帝訝其進軍之速彬既次涿契丹
南京留守耶律休格兵少不敢出戰夜則令輕騎掠
其單弱以脇餘衆晝則以精銳張其勢又設伏林莽
以絕糧道彬居涿旬日食盡退師雄州以援糧餉帝
聞之曰豈有敵人在前反退軍以援芻糧失策之甚
也亟遣使止彬勿前急引師緣白溝河

即拒馬河新城以下通稱

白溝亦曰界河以
宋遼于此分界也

與米信軍接潘美盡畧山後地會

重進東下合勢以取幽州彬部下諸將聞美重進累

捷恥握重兵不能有所攻取謀蜂起彬不得已乃

裹糧與米信復趨涿州休格聞之以輕兵來薄伺尊

食則擊離伍單出者由是軍士自救不暇結方陣墜

地兩邊而行時方炎暑軍渴乏井漉淖而飲凡四日

始得至涿士卒困乏糧又將盡會契丹主與其太后

自駝羅口

在涿州
東北

將大兵應援趨涿州彬信復引還

休格因出兵躡之戰于岐溝關彬信敗走無復行伍

夜渡拒馬河休格引精兵追及溺者不可勝計彬信

南趨易州方瀕沙河

此易水也亦曰北潞源出易州西北遶定興縣為沙河合中易

水入拒馬河

而變聞休格引兵復至驚潰死者過半沙河

為之不流棄戈甲如邱山休格請乘勝畧地至河為

界太后不從引兵還燕

封休格為宋國王

帝聞之詔彬信及

崔彥進等還令田重進屯定州潘美還代州徙雲應

朔寰四州吏民及吐谷渾部族分寘河東京西

初議興兵

獨與樞密院議中書不與聞及敗帝悔謂張齊賢等曰卿等共睹朕自今復作如此事否

契丹復陷蔚寰州

契丹耶律色珍將兵十萬至定州

遼縣明省故城在今宣化府蔚縣

西賀令圖遇之敗績南奔色珍追及戰于五臺死者

數萬人明日攻陷蔚州令圖與潘美帥師往救與色

珍戰于飛狐又敗于是渾源

唐縣今為應州大同府

應州將皆

棄城走色珍乘勢入寰州殺其守城吏卒千餘

潘美副將楊業進兵擊契丹敗績轉戰至陳家谷

在朔平府

朔州南

死之契丹復陷雲應朔諸城

潘美既敗于飛狐議引兵護雲應寰朔吏民內徙時

耶律色珍已陷寰州兵勢甚盛楊業欲避其鋒但領

兵出達實路

即今大石口在大同府應州南路通代州繁峙縣

直入石碣谷

即今石佛谷在代州崞縣西北

護軍王侁等以為畏懦欲從鴈門北

川中而往業不可侁曰君候素號無敵今逗撓不進

得非有他志乎業曰業非避死蓋時有未到徒殺士

卒而功不立今責業以不死當為諸公先引兵自實

特迪路

即今石硤口
在崢縣東北

趨朔州將行泣謂美曰此行必

不利業太原降將分當死上不之殺寵以連帥授之

兵柄非縱敵不擊蓋欲伺便以立尺寸功報國家耳

今諸君責業避敵尚敢自愛乎因指陳家谷口曰諸

君幸于此張步兵彊弩以相援也業轉戰當至此可

夾擊之不然無遺類矣美遂與旆帥麾下陣于谷口

色珍聞業且至遣副部署蕭達蘭

達史作趙凜字馳
寧思溫再從侄

伏兵于路業至色珍擁衆為戰勢業麾幟而進色珍

楊業久於行陣
不獨勇號無敵

佯敗伏兵四起色珍還兵前戰業大敗退趨狼牙村

在朔州西南
亦曰洪崖村

仇自寅至已不得業報使人登托羅台

在朔州南

望之無所見以為契丹敗走欲爭其功即領兵

離谷美不能制乃緣交河

即馬邑川水亦曰灰河出
寧武縣西迤朔州南下流

入桑乾水

西南而進行二十里聞業敗即麾兵卻走賀懷

浦敗沒業且戰且行自午至暮果至谷口望見無人

撫膺大慟再率麾下力戰身被數十創士卒殆盡猶

手及數十百人馬重傷不能進匿深林中耶律希達

即料事度勢亦非侈口妄談其欲避鋒紆道以出蓋實有知彼知己之識不得謂之畏懦不前乃王侁不察時地之宜激其輕進復心疑敵遁思欲爭功致業深入無援捐軀却節侁之罪固不容誅然潘美身爲副帥即與業酌註兵谷口暨援沈離次不

望見袍影射之業墮馬被擒其子廷玉死焉

考遼史蕭撻懶

傳宋楊繼業率兵自代州來撻懶從耶律色珍敗之擒繼業于朔州耶律溪底傳溪底射繼業墮馬先是軍令須生擒繼業異底以故不能爲功似射業者異底擒業者撻懶與此所載不同業因太息

曰上遇我厚期克敵捍邊以報而反爲姦臣所迫至

王師敗績何面目求活耶乃不食三日死

業既敗麾下尚百餘

人業謂曰汝等各有一父母妻子與我俱死無益也可走還報天子衆感激接戰死無一生還者于是

雲應朔州及諸城將吏聞業死悉棄城走色珍復陷

其地事聞帝深痛惜詔贈業大尉削美三任除侁名

能禁制已系統
御之職乃以不
覲虛實全師徑
退生失驍將又
豈能辭僭竊之
罪耶

六月戊戌朔日食

以辛仲甫參知政事

先是仲甫奉使契丹

太平興國二年夏太祖永昌陵契丹遣使來會葬帝命仲甫報

謝之契丹主問曰聞中朝有亮進者真驍將如進比凡幾人仲甫曰名將甚多如進鷹犬之材何可勝數

契丹主欲留之仲甫曰信以成命義不可留有死而

已乃厚禮遣還帝曰仲甫遠使絕域不辱君命更得

數人如此朕何患也以為刑部郎中知成都府至是

擢參知政事

秋七月貶曹彬為右驍衛上將軍

治其違詔失律罪也崔彥進米信以下貶官有差初
米信軍潰獨李繼隆所部成列而還田重進亦全軍
不敗詔以重進為馬步軍都虞候繼隆為馬軍都虞
候知定州

以張齊賢知代州

帝以楊業死訪近臣可知代州者時齊賢以言爭頗
忤帝意因請行乃命與潘美同領緣邊兵馬

冬十二月契丹大舉入侵瀛州部署劉廷讓

即劉光業
注見前

與戰敗績契丹誘執知雄州賀令圖遂掠邢深德州

契丹主及蕭太后率兵南下以耶律休格為先鋒都

統時劉廷讓帥師數萬並海而北與李敬源合兵將

趨燕休格聞之以兵扼要害逆戰于君子館

在河間
府河間

燕西天方甚寒士卒皆不能彀弓弩會契丹兵大至

圍廷讓數重廷讓先分精兵屬李繼隆為後援而繼

隆退保樂壽

注見
前

廷讓力不敵一軍盡沒以數騎脫

走李敬源楊重進

太原人

皆死之先是休格諜紿賀令

圖曰我獲罪本國旦夕願歸南朝令圖信之私遺重

錦十兩

兩匹也左傳重錦三十兩注以二大雙行故曰兩中豐從女賁以幣錦二兩注二大為一

端二端為一兩所謂匹也

及廷讓敗休格宣言願見雄州賀使君

令圖意其來降欲擅其功即引數十騎逆之既至帳

下休格據胡牀罵曰汝常好經度邊事今乃送死來

耶令左右殺其從騎而執之自是河朔戍兵無復關

志契丹乘勝長驅而南遂陷深邢德三州殺官吏俘

士民輦金帛而去魏博之北民尤苦焉帝聞之下詔
自悔而釋潰敗將士之罪且蠲河北逋租給復三年
令國貪功生事輒而無謀初與其父懷浦
首誅北伐一歲中父子皆敗天下笑之

張齊賢敗契丹于代州

契丹薄代州城副部署盧漢賈畏懦保壁自固齊賢

選廂軍

宋置諸州之
鎮兵曰廂軍

二千出禦之誓衆感慨無不一

當百契丹少却先是齊賢遣使約潘美以并師來會

戰使為契丹所執俄而美使至云師出至栢井

鎮名
一作

百井在太原府陽曲縣北

得密詔云東路王師敗衄并之全軍不

許出戰已還州矣時契丹兵塞川齊賢曰敵知美來

而不知美退乃閉美使室中夜發兵二百人持一幟

員一束芻距州西南三十里列幟然芻契丹遙見火

光中有旗幟意謂并師至駭而北走齊賢先伏步卒

二千于土鐙砦

在代州

掩擊大破之

殺其國舅詳衮塔爾高宮使蕭達哩

斬首數百獲馬二千器械無算

詳隱連諸官府監治長官

丁亥四年夏四月張宏

字巨卿青州益都人三年八月拜樞密副使

免以趙昌

言

字仲謨汾州孝義人

為樞密副使

時河朔用兵宏循默備位而御史中丞趙昌言數上
邊事乃免宏左遷御史中丞而以昌言代之

遣使募兵于諸州

帝將大發兵討契丹遣使募兵于河南北四十餘郡
凡八丁取一以充義軍京東轉運使李維清

字直臣下邑人

曰若是天下不耕矣三上疏爭之李昉等亦相率言
河南之民罔知戰鬪或慮人情搖動因而為盜非計

之得乃詔獨選河北而諸路悉罷

戊子端拱元年春正月親耕藉田赦

二月改補闕拾遺為司諫正言

舊制臺諫有名而不得行其職帝以失建官本意故
更以新名

李昉罷

布衣翟穎性險誕以庸書與知制誥胡旦

字周父潁州渤海人

昉旦為作大言使穎上之且改穎名曰馬周以為唐

馬周復出也于是顓擊登聞鼓訟昉居宰相位當北方有事之時不為邊備徒知賦詩宴樂帝由是厭昉遂罷為右僕射昉和厚多恕在位小心辭謹每有求已而擢用或不足用必和顏溫語待之子弟問其故昉曰用賢人主之事若受其請是市私恩也故峻絕之使恩歸于上若不用者既失所望又無善辭取怨之道也

以趙普為太保兼侍中呂蒙正同平章事

帝欲相呂蒙正以其新進籍趙普舊德為之表率會普以籍田入朝帝遂留為太保兼侍中蒙正質厚寬

簡有重望以正道自持遇事敢言每論時政有未允者必固稱其不可帝嘉其無隱故與普並命普開國元老蒙正以後進歷官一紀進同相位普雅重之

三月趙昌言有罪貶為崇信

軍名注
見前

行軍司馬

昌言素與知制誥胡旦善翟穎既訟罷李昉與旦益相得穎益肆誕毀斥時政上書自薦且歷舉所善數十人為公輔令昌言為內應事覺穎流海島貶昌言為行軍司馬旦昉州團練副使

夏五月作秘閣

詔舊崇文院中堂建秘閣分三館書籍置其中以吏部侍郎李至兼秘書監帝謂至曰人君當淡然無欲勿使嗜好形見于外則奸佞無自入朕無他好但喜讀書多見古今成敗善者從之不善者改之如斯而已矣至每與李昉王化基

字永圖
真定人

觀書閣下帝必遣

使賜宴且命三館學士與焉

以李繼捧為定難節度使賜姓名趙保忠

李繼遷侵擾日甚趙普請復命繼捧鎮夏州帝召見
加賜而遣之且謂曰若繼遷歸款當授以官也

鄭州團練使侯莫陳利用

益州成都人

有罪賜死

利用以幻術得幸驕恣不法居處服御僭擬乘輿趙
普按其十罪既命配商州普復力請誅之帝曰豈有
萬乘之主不能庇一人乎普曰陛下不誅則亂天下
法法可惜此一豎子何足惜哉帝不得已命誅之已
而復遣使貸之使至新安

注見前

馬旋淨而踏及出寧

易馬至商州已磔于市矣聞者快之

秋八月鄧王錢俶卒

追封秦國王

諡忠懿

自俶以地歸朝四徙大國

初封漢南國王

尋改南陽郡國護國王之封改封許王又改鄧王

善始令終窮極富貴福履

之盛近代無比

九月契丹復陷涿州冬十一月遂入祁州

唐置治無極宋景德中徙

治蒲陰即今州也屬保定府

契丹主攻涿州射帛書諭城中降不聽縱兵以四面攻

之城破乃降遂進攻長城

在保定府安肅縣西北戰國時燕趙分界處今其地

名長城

士卒潰圍南走契丹邀擊之殺獲殆盡因攻滿

城

注見前

祁州及新樂

注見前

皆陷之

丑巳二年春正月契丹陷易州遷其民于燕

時契丹屢侵邊詔羣臣上備戎策張洎請于沿邊建

三大鎮各統十萬衆鼎峙而守仍令親王出臨魏府

今大名府

以控其要宋琪請令大軍于易州循孤山

今白狼山

口在順天府房山縣南洹易二州分道處

涉洹水

在洹州西源出宣化府洹鹿山逕州境又南為

伏河抵桑乾河

源出山西朔平府馬邑縣由大同宣化
遶順天府界下流入于淀即古濕水亦

名蘆溝河俗名渾
河今名永定河

出安禮塞

左宛平
縣西南

東瞰燕城纔及

一舍此周德威取燕之路

事具前

下視孤壘取燕必克

琪又言兵凶器聖人不得已而用之若選使通好弭

戰息民此亦策之得也李昉王禹偁

字元之濟
州鉅野人

亦多

以修好為言帝嘉納之

自二月不雨至夏五月

詔錄繫囚遣使分諸路決獄

秋七月以張齊賢為樞密副使

齊賢復入樞密趙普薦之也

彗星出東井八月赦

司天言妖星為滅契丹之象趙普上疏謂此邪佞之言不足信帝避殿減膳大赦

作開寶寺塔

藏佛舍利

注見前

也高三百六十尺費億萬計踰八年

始成知制誥田錫嘗上疏云衆謂金碧燦煌臣以為

塗膏鬻血帝亦不怒

都巡檢使尹繼倫

沒儀人
勲之子

襲契丹耶律休格于徐河

源出

易州五迴嶺延滿域清苑入
安州界為依城河下流入沒

大敗之

朝廷聞契丹復至遣李繼隆發鎮定兵萬餘護送糧

饋數千乘超威虜

軍名宋置後改信安治遂城
故城在今保定府安肅縣

休格

聞之帥精騎數萬邀諸塗北面都巡檢使尹繼倫適

領兵徼巡路遇之休格不顧而南繼倫曰敵蔑視我

耳彼捷還則乘勝驅我北去不捷亦且洩怒于我將

繼倫以少擊眾
其臨事之勇料
敵之智固不待
言而縱死不失

忠義一語尤為制勝之本蓋示以有進無退則人有戰心而勵以舍生求則士無餘志所謂置之死地而後生自然一可當百目此提為偉勝者匪惟隱於機鈴亦且昧於敵情矣

無遺類矣為今日計當卷兵銜枚以躡之彼銳氣前趨不虞我之至力戰而勝足以自樹縱死猶不失為忠義衆皆憤激從命繼倫令秣馬俟夜人持短兵潛躡其後行數十里至徐河天未明休格去大軍四五里會食訖將戰繼隆方陣於前以待繼倫從後急擊殺契丹一大將衆皆驚潰休格大食失箸為短兵中其臂創甚乘善馬先遁餘衆引出

契丹為之奪氣自是不敢大入邊每

相戒曰當避黑面大王以繼倫面黑故云

大旱

自秋徂冬不雨田錫上言此實陰陽失和調燮倒置
上侵下之職而燭里未盡下知上之失而規過未能
疏入帝及宰臣皆不悅出錫知陳州

庚寅淳化元年春正月趙普罷

普自再相帝每優禮之免朝謁止日赴中書視事有
大政則召對至是以疾力求致仕帝不得已授太保
兼中書令西京留守

夏四月詔貸江州義門陳兢

江州德安人粟

兢陳宜都王叔明之後九世同居長幼凡七百口不

置僕妾上下嫻睦人無間言每食必羣坐廣堂未成

人者別為一席有犬百餘共一牢食一犬不至羣犬

亦皆不食唐僖宗及南唐時旌其門開寶初免徭役

至兢子姪益衆嘗苦乏食知州康戩言于朝詔本州

每歲貸粟二千石

後兢卒從弟旭止受貸粟之半會歲歉更責或勸旭全受而謂可得

善價旭曰朝廷輸旭家乏食貸以介

粟豈可見利忘義耶帝聞深加嘆獎

冬十二月契丹封李繼遷為夏國王

考宋史夏國傳以
雍熙三年契丹冊

繼遷為夏國
王今依遼史

辛卯二年春旱蝗

時連歲旱蝗是年尤甚禱雩無應帝手詔宰相曰朕
將自焚以答天譴翌日大雨蝗盡死

閏二月辛未朔日食

夏四月以張齊賢陳恕

字仲言
南昌人

參知政事張遜

博州高
唐人

溫仲舒

字東陽
河南人

寇準

字平仲
華州下邳人

為樞密副使

初準為樞密直學士嘗奏事殿中語不合帝怒起準
輒引帝衣請復坐事決乃退帝嘉之及旱蝗帝召近
臣問以得失衆以天數對準曰洪範天人之際應若
影響大旱之證蓋刑有所不平也帝怒起入禁中頃
之復召準問以不平狀準曰願召二府

宋以中書樞密為二府

至臣即言之二府入準乃曰頃者祖吉王淮皆侮法

受賕吉賊少乃伏誅淮以參政汚

王汚字楚望濟州人端拱元年二月

參知政事之弟盜主守財至千萬止杖之仍復其官非不

平而何帝以問沔沔頓首謝于是切責沔而以準為可大任遂有是命

五月以謝泌

字崇源歙縣人

為左司諫

上修正殿頗施綵繪泌為方正言因對陳其事即日命代以諸璽賜泌金紫拜左司諫泌入謝曰陛下從諫如流故臣得以盡誠如唐末孟昭圖者

事具前

朝上

諫疏暮不知所在如此安得不亂帝動容久之

置諸路提刑官

秋七月李繼遷請降以為銀州觀察使賜姓名趙保吉

先是趙保忠至夏州言繼遷悔過歸款詔授繼遷銀

州刺史然實無降心也至是與保忠戰于安慶澤在故

夏州北繼遷中流矢遁去轉攻夏州保忠乞師禦之乃

遣翟守素濟州任城人率兵往援守素至繼遷歸款奉表

謝罪遂有是命且以其子德明小字阿移為管内蕃落使

行軍司馬

八月置審刑院

昔前此輕信繼遷縱其復夏州已為失茲復輕信李遵受其偽降稽天討以留世遷患蓋姑偷安實為宋之失而養癰害始謀不臧自是役貽之

帝慮大理刑部吏舞文巧詆乃置審刑院于禁中以

李昌齡

字天錫宋州楚邱人

知院事置詳議官六員凡獄上奏

先達院印訖付大理刑部斷復以聞乃下院詳議申

覆裁決訖以付中書省行之其未允者宰相覆以聞

始命論決

九月王沔陳恕呂蒙正罷

蒙正為首相以寬簡居位政事多決于沔沔聰察敏
辯有適時才然性苛刻少誠謁見者必啗以甘言既

而進退非允人胥怨之又素與張齊賢陳恕不協及

二人參知政事沔不自安慮僚屬有以中書舊事告

齊賢恕者會司諫王禹偁言宰相樞密不得于本廳

見客許于都堂延接以杜私情沔喜即奏行之司諫

謝泌以為如此是疑大臣以私也疏駁之帝追還前

詔沔遂罷

沔見帝涕泣不願離左右未幾髮鬢皆白

帝怒戶部使樊知古

所部不治恕聞密以語之覲其修舉知古訴于帝帝

怒怒漏言亦坐免度支判官宋沆

長安人

伏閣奏疏請

立太子詞意狂妄帝怒貶沆沆蒙正妻族也遂罷蒙正為吏部尚書時三日之間連罷三相因有奏毀者帝語之曰蒙正有大臣體汚甚明敏毀者慙而止

以李昉張齊賢同平章事賈黃中

字媯氏滄州南皮人

李沆

字太初洛

州肥鄉人參知政事

初黃中再典貢部多拔寒畯及掌吏部選除擬精當沆嘗侍曲宴上目送之曰風度端凝真貴人也至是並拜

以張遜知樞密院事溫仲舒寇準同知院事

知樞密院同知樞密院自此始

冬十月趙保忠叛降契丹契丹封為西平王

彭城公劉繼元卒

追封彭城郡王

女真請伐契丹不許

自是不復入貢遂屬契丹

十一月以畢士安

字仁叟代為翰林學士

州雲中人

凡果欲書千進
凡點固宜果嘗
乙其叔范質奏
相遺秋實作詩
訓之時人傳誦
以為勸戒則果
之躁競自昔已
然質雖知之徒
誦以文詞而不
能防其行檢誠
不為善教矣

先是翰林學士承旨蘇易簡

字太簡梓州同山人

續翰林志二

卷以獻帝嘉之賜詩二章又飛白

張懷瓘書斷飛白者後漢蔡邕所作

本以題署官闕字宜輕微不滿

書玉堂之署四字令榜於廳額曰永

為翰林美事于是知制誥范杲

字師回質兄子

獻王堂記請

備其職帝惡其躁競出知濠州乃以士安為學士執

政欲用諫議大夫張洎帝曰洎文學資任不下士安

第德行不及爾

壬辰三年春二月乙丑朔日食

欽定四庫全書

御批歷代通鑑輯覽

卷八十二

六十一

夏六月置常平倉于京師

時京畿穀賤帝遣使增價以糴于近倉貯之俟歲饑則減價糴名曰常平倉遂為永制

秋七月趙普卒

諡忠獻

普卒帝聞之震悼謂近臣曰普盡忠國家真社稷臣也因出涕廢朝五日追封真定王

普性深沉有岸谷少習吏事學術

史稱普寡學術及為相始手不釋卷而筆中所攜不過論語一編然果身體而力行之則德行

及為相太祖勸以讀書遂手不釋卷每歸私第闔戶啟篋取書誦之竟日及次日臨政處決如流既卒家人發篋視之則論語二十篇也普嘗謂帝曰臣有論語一部以半部佐太祖定天下以半部佐陛下致太

事業必有可觀

而晉於忠恕之

教且未能服膺

勿失則亦徒之

記誦而已今乃

云半即定天下

半部致太平尤

為齒齬可笑

平

史臣曰陳橋之事人謂普及太宗先知其謀理勢或
無事定之後未嘗以勲舊自伐及其當撥獻可替否
惟武修文厥功偉矣獨廷美處多遜之獄大為太宗
之累豈其學力有限而尚有患失之心歟君子惜焉

呂終南隱士种放

字名逸
洛陽人不至

放沉默好學隱居終南以講習為業從學者衆資以
養母母亦能樂道薄滋味轉運使宋惟幹言其才行
詔使召之其母恚曰嘗勸汝勿聚徒講學果為人知
不得安處我將棄汝深入窮山矣放乃稱疾不起其

母盡取其筆硯焚之與放轉居窮僻人迹罕至帝嘉其節命有司時加存問

癸巳四年春二月己未朔日食

置審官院

初帝慮中外官吏清濁混淆命官考課號磨勘院至是改為審官院掌審京朝官其幕職州縣官別置考課院主之

交州黎桓入貢詔封為交趾郡王

桓遣使來貢并上丁璿讓表朝廷懲孫全興之敗許之以桓為靜海節度使封交趾郡王尋進封南平王

丁氏據安南凡三傳為黎桓所篡

青神

後周縣今屬眉州

民王小波作亂

初蜀亡其府庫之積悉輸汴京後任事者競起功利于常賦外更置博買務禁商賈不得私市布帛蜀地狹民稠耕稼不足以給由是小民貧困兼并者益糴賤販貴以規利青神民王小波因衆衆為亂且曰吾

疾貧富不均今為汝均之貧者爭附遂攻青神掠彭

山

唐縣今屬眉州

殺縣令齊元振剖其腹實之以錢惡其誅

求無厭也賊黨由是愈熾旁邑響應已而小波死其

黨李順擁衆寇掠州縣多陷

西川都巡檢使張玘與小波戰射中之玘為小

波所殺小波亦病創死其黨推小

波妻弟李順為帥衆至數十萬

三月以何承矩

字正則繼筠之子

為河北屯田制置使

考宋史何承矩

傳端拱元年承矩請開河北屯田詔以為制置使河渠

志淳化四年春詔何承矩等督戍兵開屯田食貨志承

矩建議連年沮者頗衆會臨津令黃懋亦上書言之乃

以承矩為屯田使二志畧同與傳互異續綱目依志而

採錄不詳宋元通鑑依傳而以黃懋上書并記于端拱元年與志不合今依續綱目書綱節採食貨志作目而以河渠志所載塘

樂諸水井注于後

先是承矩上疏請于順安砦

即順安軍宋置今西引保定府安州是

易河

即易水

築堤為屯田

承矩以為自順安西導水東注于海資其陂澤築堤貯水

可遏敵騎之奔軼俟期歲間闢南諸泊播為稻田既收地利以寬邊設險固以防塞此禦戎之要策也

而河朔連年大水承矩知雄州又言宜因積潦蓄為

陂塘大作稻田以足食會臨津

唐縣金改寧津今屬河間府

令黃懋

係閩人

上書言河北州軍多陂塘引水溉田功省易就

詔以成矩為屯田使懋為判官發河北諸州戍兵萬

八千人給其役于是開塘樂種稻田凡雄莫霸州平

戎順安等軍

平戎軍宋置後改保定今順天府保定縣是

興堰六百里取

江南早稻種課令種之初承矩建議沮者頗衆及稻

熟承矩輦送闕下議乃息而莞蒲蜃蛤之饒民賴其

利

河渠志塘樂緣邊諸水所聚因以限遼其水東起滄州界拒海岸黑龍港西至乾寧軍沿永濟河合

淀為一水東起乾寧軍西信安軍永繼渠為一水又西合諸淀為一水東起永濟渠西至霸州莫金口合淀為一水東北起莫金口西南保定軍父母砦合淀為一水東南起保定軍西北雄州合淀為一水東起

雄州西至順安軍合淀為一水東起順安軍西邊吳定至保州合諸淀為一水起安肅廣信軍之南保州西北畜沈苑河為塘曰沈河泊自保州西合雞距尚泉為稻田方田曰西塘泊自何承矩黃懋開置其後益增廣之黑龍港在今天津府青縣西乾寧軍注見前永齊河即今衛河信安軍宋置今為鎮在順天府永清縣東南永濟渠在霸州東莫金口在霸州南父母砦在保定縣西北保安軍注見前邊吳定在安州西南今堙沈苑河今清苑河古沈水也水經注沈水出蒲城西又東南入徐即此雞距泉在滿城縣東尚泉亦曰一畝泉在雞距泉北二泉合流為奇村河

夏五月以錢若水

字澹成一字長卿河南新安人

為翰林學士

帝謂侍臣曰學士之職親切貴重非他官可比朕常

恨不得為之又曰士之學古入官遭時得位紆朱拖
紫足以為榮矣得不竭誠以報國乎若水對曰高尚
之士不以名位為光寵忠正之士不以窮達易志操
其或以爵祿位遇之故而效忠于上中人以下者之
所為也帝然之

六月張齊賢罷以呂端參知政事

殿中丞朱貽業與李沆有姻婭嘗為其同僚王延德
大名求補郡沆言于齊賢齊賢以聞帝以延德嘗事
人

晉卿怒其不自陳而干執政召見詰責延德言未嘗有請齊賢不欲援沆為證即自引咎遂坐免

以向敏中

字常之開封人

張詠

字復之漢州甄城人

同知銀臺通進司

職官

志知司官二人兩制以上充

二司舊隸樞密院至是始以敏中詠同知司事隸門下主視章奏案牘以稽出入蓋給事中之職也

張遜冠準免以柴禹錫知樞密院事劉昌言

字禹謨泉州南安人

同知院事

民遮道呼
聽者何涉張
秋奏不過小
伎倆重慶之
轉已不獨
公發自私
不已更
人

遜素與準不協一日準與溫仲舒並轡晚歸有狂民

迎馬首呼萬歲街使王賓

許州許田人

與遜雅相厚因奏

民迎準拜呼萬歲準自辨云實與仲舒同行而遜令

賓獨奏臣因互發其私帝惡之乃左降遜為右領軍

衛將軍出準知青州

秋八月丙辰朔日食

十月河決澶州

李昉賈黃中李沆溫仲舒罷

自七月初雨至是不止京城廬舍多壞陳穎宋亳間盜賊並起商旅不行帝以陰陽愆和罪由公府切責昉等曰卿等盈車授俸豈知野有餓莩乎昉等慚懼拜伏遂罷之

以呂蒙正同平章事蘓易簡趙昌言參知政事趙銘向敏中同知樞密院事

蒙正嘗因召對論及征伐帝曰朕比年征伐蓋為民除暴苟好功黷武則天下之人燬亡盡矣蒙正對曰

治國之要在內修政事則遠人來歸自致安靜帝然

之易簡在翰林八年帝待之若賓友

易簡嘗直禁中以水試軟器小

黃門奏之帝召問即令取至便殿親試之易簡進曰臣聞日中則昃月盈則虧器滿則覆物盛則衰願陛下持盈守成慎舊制欲授台輔必使天下稔其名望終如始帝納之

而後正位易簡以親老急于進用因亟言時政得失

遂入政府自是帝不復有欵接意但正色責吏事而

已易簡悔之時西北用兵樞機之任專主謀議敏中

明辨有才略遇事敏速凡二邊道路斥堠走集之所

莫不周知帝器之

閏月以陳恕為三司總計使

時復置三司使而罷鹽鐵戶部度支三使分天下郡

縣為十道

曰河南河東關西劍南淮南江南東西浙東西廣南

以京東為左計

西為右計恕為總計使魏羽

字垂天歙州婺源人

為左計使董

儼

字望之洛陽人

為右計使中分十道以隸焉而各道則署

判官以領其事凡涉計度者三使通議之恕言官司

各建政令互出難以經久帝不聽

周太后符氏卒

甲午五年春正月王小波黨李順陷成都以宦者王繼恩

為西川招安使討之

李順攻陷蜀邛州永康軍

宋置今成都府灌縣是

又陷漢彭州

東勝攻成都轉運使樊知古知府郭載

字咸熙汝侯人

及官

屬斬關出奔梓州順入城據之僭號大蜀王遣其黨

四出攻剽州縣兩川大震帝議遣大臣撫諭趙昌言

獨請發兵急討無使滋蔓帝從之遣繼恩等分路進

討以雷有中

字道成
德驤子

為峽路轉運使

宋以夔萬等州
為峽路續綱目

通鑑俱誤作陝
路今依宋史改

趙保吉寇靈州以李繼隆為河西都部署討之

保吉徙綏州民于平夏

即夏州唐時党項居夏
州者號平夏都因名

部將

高文岷等因衆不樂反攻敗之保吉復圍堡砦掠居
民焚積聚遂攻靈州詔繼隆帥師討之

饑

先是京西浙饑民相率持杖投券富室取其粟皆坐

饑民貧富室之
粟固不可概與

盜同科然或迫于飢寒強求升斗尚可量從矜恤若乘荒煽衆兼掠財物亦以飢民宥之則強暴肆行其風又可長乎惟在審情事之重輕分別科罪始得其實從末減之論未可善也

彊盜棄市知秦州張榮獨取為首者杖脊餘悉從杖以其事聞帝感悟下詔褒之至是遣使十七人分詣諸道巡撫帝謂之曰彼皆平民因饑取餽糧以圖活命耳宜悉從末減不可與彊盜同科

三月李繼隆入夏州執趙保忠赴京師

保忠聞繼隆將至先挈其母與妻子壁野外乃上言與保吉解怨獻馬乞罷兵帝覽奏立遣中使督繼隆進軍及師壓境保吉因夜襲保忠營欲併其衆保忠

方寢間難作單騎走還城其指揮使趙光嗣閉之別

室開門迎繼隆繼隆執保忠送汴保吉遁去

保忠至汴詰責

釋之封

宥罪侯

夏四月削趙保吉姓名墮夏州城

帝以夏州深在沙漠奸雄因以竊據欲墮其城呂蒙

正曰自赫連築城以來頗為闕右之患若遂廢之萬

世利也乃詔墮之遷其民於綏銀

置起居院

宋沿唐制起居郎隸門下舍人
隸中書至是始置院于禁中

初李昉監修國史復時政記至是右諫議大夫張昺
請置起居院修左右史之職為起居注與時政記逐
月終送史館以備修日歷上嘉之乃置院于禁中命
梁周翰字元褒鄭州管城人等掌其事周翰請以所撰先進御
後付史館從之起居注進御始此時政記先進御自昉始起居注先進

御自周翰始

五月王繼恩復成都獲李順誅之

先是李順分遣數萬眾寇劍門上官正

字常清開封人

為都

監麾下有疲卒數百因激以忠義勇氣百倍力戰以

守會成都監軍宿翰兵至正與之合迎擊賊衆大敗

之斬馘幾盡

時朝廷聞蜀寇甚盛深以棧道為憂正以孤軍破賊于是閣道無壅王師得以

長驅而進順又遣其黨率衆二十萬圍梓州知州事張雍

德州人安都巡檢使盧斌

開封人

悉力禦之

初雍聞賊起集城中三千

人又募強勇千餘守城斌適還州雍命之監軍凡

八十餘日王繼恩過綿州遣石知顥

亦宦者

來援賊不

戰而潰

斌乘勝追斬二萬餘尋領千兵解閬州圍至達州復敗賊衆繼恩遣內殿崇班曹習破賊

于老漢綿州巡檢使胡正遠又進擊之老遂復綿
溪即閬溪在保寧府閬中縣西入嘉陵江

閬巴遂劍州五月繼恩至成都破賊十萬衆斬首三

萬級獲李順遂復成都捷聞詔以雷有終知成都府

尋降為益州礫順等八人于鳳翔市
順黨張餘復陷嘉戎諸州開州

監軍秦傳序死之餘轉攻夔州為白繼藏所敗上官
正又屢敗之遂復雲安軍餘亡走明年都監宿翰獲
餘于嘉州蜀盜悉平

秦傳序江寧人

秋七月李繼遷遣使來貢

繼遷獻馬謝罪又遣弟延信入覲言違叛事出保忠

帝召見慰諭之

高麗請伐契丹詔諭止之

高麗數為契丹侵掠請擊之帝以北邊甫寧不欲為
外夷開隙詔撫慰之自是不復入貢

八月以王繼恩為宣政使

侍領兵仍唐
幣政其後宣
昭師成之擅
寔田此開其
太宗雖不應
徽之除而命
領兵已屬永
作法于涼不

中書以繼恩討蜀寇功欲除宣徽使帝曰朕讀前代
史不欲令宦官預政宣徽使執政之漸也止可授以
他官宰相力言繼恩有大功非此不足以賞帝怒深

辭貼謀不善之
責矣

責之乃命學士張洵錢若水議別立宣政使以授之

張雍盧斌以守梓州功皆進秩考張雍盧斌同守梓州續綱目宋元通鑑錄雍制斌今依本傳增輯

以張詠知益州

蜀當寇掠之際民多脇從詠至諭以恩義使各歸田里且曰前日李順脇民為賊今日吾化賊為民不亦可乎有牒訴者詠灼見情偽立為判決人皆厭服其為政恩威並用蜀民畏而愛之

先是城中屯兵尚三萬人無半月之食詠

知民間舊苦鹽貴而庫有餘積乃下其估聽民以粟易鹽未踰月得米數十萬斛詠度有二歲儲乃奏罷

陝西運糧帝聞之喜曰此人何事不能了吾無憂矣

以趙昌言為川峽都部署尋罷知鳳翔府

既任以領兵之
責必平日悉其
為人豈有以反
相一語之譏而
罷其事者此較
之漢光武信讞

王繼恩在蜀不能戢衆郡縣多叛帝意頗厭兵召昌

言謂曰西川本自一國太祖平之今三十年矣昌言

知帝指即前畫攻取之策帝喜命昌言為川峽招安

行營都部署自繼恩以下並受節制昌言既行或奏

昌言有反相不宜握兵入蜀恐後難制乃詔昌言駐

鳳翔時昌言已至鳳州詔追及之因留候館不復進

更爲不及矣

尋罷知鳳翔府

九月以襄王元侃

帝第三子即真宗

爲開封尹進封壽王

帝在位久儲貳未立馮拯

字道濟河陽人

等上疏言之帝怒

斥之嶺南中外無敢復言者寇準自青州召還入見

帝曰朕諸子孰可以付神器者寇準曰陛下爲天下

擇君謀及婦人中官不可也唯陛下擇所以副天下

望者帝俛首久之屏左右曰襄王可乎準曰知子莫

若父聖意既以爲可願即決定遂以元侃爲開封尹

進封壽王

以寇準參知政事

先是準既罷知青州帝念之不置

謂左右曰寇準在青州樂乎左右揣

帝意且復召用因對曰陛下思準不少忘聞準日縱酒未知亦念陛下否帝默然

至是召還

遂拜參知政事

冬十二月戊寅朔日食

是日陰雪羣臣以不食稱賀

以陳恕為鹽鐵使

總計使果不便乃罷之復以三司兩京十道歸三部

各置使以恕為鹽鐵使時帝留意金穀召三司吏李

溥

河南人

等詢以計司利害溥等上七十一事詔以四

十四事付有司行之餘下恕等議賜溥等金錢悉補

侍禁殿直

帝語恕等曰溥等于錢穀利病自幼至長寢處其中必周知之卿等但假以顏色引

令副陳必有所益復賜三司錢百萬募吏能言本司不便者令恕等量事大小賞之

恕將立茶

法召茶商數十人俾各條利害恕閱之第為三等語


副使宋太初

字永初澤州晉城人

曰吾觀下等固滅裂無取上

等取利太深不可行于朝廷惟中等公私皆濟吾裁
損之可以經久于是始為三法行之貨財流通恕有心計
慶去宿弊帝深器之親題殿柱曰真鹽鐵陳恕每
便殿奏事帝或未察至形請讓恕跼蹐退至殿壁俟
帝意稍解復進懇執前
論終不易帝亦多從之

御批歷代通鑑輯覽卷七十二



總校官候補中允臣王燕緒

校對官中書臣江漣

謄錄監生臣申慤